

**Javno preduzeće „Grijanje“ d.o.o. Zenica
- Nadzorni odbor -**

Broj: 3681/25

Zenica, 10.04.2025. godine

Na osnovu člana 31. Satuta Javnog preduzeća „Grijanje“ d.o.o. Zenica, a na prijedlog v.d. direktora preduzeća, Nadzorni odbor Javnog preduzeća „Grijanje“ d.o.o. Zenica na 2. vanrednoj sjednici održanoj 10.04.2025. godine donosi

O D L U K U

**o plaćanju duga pod povoljnijim uslovima Javnom preduzeću „Grijanje“ d.o.o. Zenica
u periodu 11.04.2025. - 31.08.2025. godine**

Član 1.

(Predmet)

- (1) Ovom odlukom utvrđuju se povoljniji uslovi za plaćanje ukupnog dospjelog glavnog duga i troškova sudskih postupaka Javnom preduzeću „Grijanje“ d.o.o. Zenica (u daljem tekstu: Preduzeće) od strane potrošača toplotne energije (u daljem tekstu: dužnik), način plaćanja, uslovi plaćanja, podnošenje zahtjeva za plaćanje glavnog duga i troškova postupka, bez zakonskih zateznih kamata (u daljem tekstu: Zahtjev), kao i ovlaštenje za odobravanje plaćanja duga pod povoljnijim uslovima.
- (2) Plaćanje duga pod povoljnijim uslovima podrazumijeva plaćanje ukupnog dospjelog duga bez plaćanja zakonskih zateznih kamata.

Član 2.

(Sadržaj duga)

Dug koji je predmet plaćanja pod povoljnijim uslovima, sadrži:

- a) ukupan dospjeli glavni dug i
- b) troškove sudskog postupka.

Član 3.

(Zahtjev za plaćanje duga bez plaćanja zakonskih zateznih kamata)

Dužnik obavezno podnosi na protokol Preduzeća, Zahtjev za plaćanje glavnog duga i troškova postupka, bez zakonskih zateznih kamata (jednokratno) na tipskom obrascu koji obezbjeđuje Preduzeće.

Član 4.

(Uslovi za plaćanje duga bez plaćanja zakonskih zateznih kamata)

Plaćanje duga bez plaćanja zakonskih zateznih kamata odobrit će se dužnicima pod uslovom da jednokratno plate:

- ukupan dospjeli glavni dug i troškove sudskih postupaka po svim podnesenim prijedlozima za izvršenje.

Član 5.

(Izuzetak od primjene)

U predmetima u kojima je sudskom odlukom djelimično usvojen prigovor zastare, Uprava Preduzeća će u svakom pojedinačnom slučaju odlučivati o plaćanju duga bez zakonskih zateznih kamata.

Član 6.

(Rok za podnošenje Zahtjeva i period važenja Zahtjeva)

- (1) Krajnji rok za podnošenje Zahtjeva, u skladu sa ovom odlukom je 31.08.2025. godine.
- (2) Period važenja Zahtjeva je 30 (trideset) dana od dana podnošenja istog na protokol Preduzeća. Nakon proteka tog roka, isti se arhivira u spis/spise.

Član 7.

(Realizacija)

Za realizaciju ove odluke zadužuju se Uprava Preduzeća i stručne službe Preduzeća.

Član 8.
(Stupanje na snagu)

Ova odluka stupa na snagu danom donošenja, a primjenjuje se od 11.04.2025. do 31.08.2025. godine.



Predsjednik Nadzornog odbora


mr.sci. Hasan Helvida, dipl.ecc.

DOSTAVLJENO:

- 1x Nadzornom odboru
- 1x Uprava preduzeća
- 3x Stručne službe Preduzeća
- 1x Odbor za reviziju Preduzeća
- 1x Arhiva Nadzornog odbora